

20.08.2021թ

Բ. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 03/03/09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, ուսումնասիրելով 20.08.2021 թվականի թիվ _____ վարչական իրավախախտման վերաբերյալ արձանագրությունը, քննելով թիվ 3/03/ վարույթը և կից նյութերը,

ՊԱՐԶԵՑԻ

«ՏԱԹԵՎԻ ՎԵՐԱԾՆՈՒՆԴ» հիմնադրամի տնօրեն Արթուր Ամիրխանյանը (ՀՎՀՀ՝ 00257226, Բ. Երևան, Աջափնյակ, Ֆուչիկի 2 նրբ. 52., բն. 23) «Հիմնադրամների մասին» ՀՀ օրենքի 39-րդ հոդվածով սահմանված ժամկետում, ՀՀ պետական եկամուտների կոմիտեի կողմից սահմանված ձևով, ներկայացման և հրապարակման սահմանված կարգով՝ թերի է հրապարակել 2020թ-ի գործունեության մասին հաշվետվությունը, մասնավորապես հաշվետվությանը կցված չեն հաշվապահական հաշվառումը կարգավորող օրենսդրության համաձայն պատրաստված ֆինանսական հաշվետվությունները, ինչի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169¹⁸ հոդվածի 1-ին մասով:

Կողմին հայտնաբերելու նպատակով ձեռնարկվել են համապատասխան միջոցառումներ:

Ակտի հասեցատերը ներկայացրել է դիմում, համաձայն որի «Տաթևի վերածնունդ» հիմնադրամի 2020թ.-ի հրապարակված հաշվետվությունում տեխնիկական խնդիրների պատճառով կցվել է միայն աուդիտորական եզրակացությունը և 10.08.2021թ.-ին արդեն ներկայացվել է ճշգրտված հաշվետվությունը:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ «ՏԱԹԵՎԻ ՎԵՐԱԾՆՈՒՆԴ» հիմնադրամի տնօրեն Արթուր Ամիրխանյանի կողմից 10.08.2021թ.-ին ներկայացվել է ճշգրտված հաշվետվությունը:

Հաշվի առնելով այն փաստը, որ 20.08.2021թ.-ի դրությամբ «ՏԱԹԵՎԻ ՎԵՐԱԾՆՈՒՆԴ» հիմնադրամի տնօրեն Արթուր Ամիրխանյանի կողմից ներկայացվել է ճշգրտված հաշվետվությունը, ուստի արարքն ունի նվազ նշանակություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով,

ՈՐՈՇԵՑԻ

1. Արթուր Ամիրխանյանին ազատել վարչական պատասխանատվությունից և հայտարարել բանավոր դիտողություն:
2. Արթուր Ամիրխանյանի վերաբերյալ հարուցված թիվ _____ վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



ՄԱՍՆԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: